

壺社詩草

貞 (七)

游介表

壺社草

送治如同年之京師

林西園

去歲我行君始至。今年君往我初還。萬牛其挽
中原事。一卧寧容我輩閒。礙馬野蕪猶碧色。騶
人園荔有朱顏。玉京此會紛麟鳳。多恐高居忘
故山。

故山大興釣遊宜。更願停撓話片時。琰酒消長
夏熱。十行紙盡北征詩。出疆路熟身將老。問舍
人多世可知。近築小園未成。君亦有改宅事。鱸膾尊然吾已辨。
未行先與訂歸期。

送張治如北行

閑佛心

衆星捧月放光明。照見天河洗甲兵。赤縣未沈疑是夢。玉京高會似尋盟。短齋悲劇休重演。快意登仙在此行。一事相要須記得。社詩早日付郵程。

送張知廬北行

陳斗生

已卜家居未結茅。北行聊與出門交。憂民憂國思紆策。忘世忘身恐繫匏。馬足客衣風裏送。蟬聲詩句道中敲。男兒心地皆權度。瓜事青門且

暫拋。

送張知廬北行

張左如

聞道中原已息戈，十年征戰竟如何。
堪嗟世變同雲狗，未許山民知廬自號老澗阿。
瘦馬塵鞍千里路，離亭風笛數聲歌。
奚囊到處收詩料，應比南游句更多。

送張治如先生

鄭笑白

萬里傳來徵召書，以身未許老樵漁。
賦詩好續南遊草，投轄難留北上車。
冠蓋貴遊何炫耀，干

戈兵氣漸消除。故鄉風味知長憶。一路紅雲荔
熟初。

送張治如先生入都

溫筱珊

粵海歸來已倦遊。難危寧任久淹留。才名早歲
聳蘇夢。患難餘生老杜愁。又召英賢謀稷下。忍
容南北劃鴻溝。蒲輪此去燕山路。滿目瘡痍應
淚流。

送張治如師北行

陳又名

不見長安已十秋。聞君北上思悠悠。胭脂金粉

知何世綠柳青蒲送客舟長策如邀當道聽香
蕤應為故人留鷓鴣啼罷子規喚早趁秋風返
釣遊

送張治如師北行

宋幼石

餞別筵開溽暑天文旌指日上幽燕衣冠北地
多新進詩酒東山結後緣得志會當作霖雨此
才誰許老林泉知公一事關心甚文獻搜羅未
卸肩

送治如夫子北行

林銳之

桑下未應三宿戀治師一言息壤欲相將故鄉

文獻期千載大地魚龍戲百場捉鼻東山終不

免攤書北牖會難忘師門孫沈依依意孫鮑沈

李建勳之且待裁成猶與狂

送治如夫子北行

黃仲良

知公十載厭車塵此去聊為許國身。痛哭書生
寧有濟浮沉世事總無因。出山應作遨遊想閉
戶還將著述親。買棹尚期歸計早故鄉志乘待

更新

送知廬師北行

游介園

徵車再上黃金臺南北聯翩亦快哉聞道兩軍
剛解甲須知一士是真才名山著作公餘續生
帶邑來草藁赴京編輯吟社周旋國事催此會平和如有
濟佳音惠我一銜杯

送張治如夫子北行

方西湖

別酒驪歌促去程垂垂丹荔拂行旌論詩幸及
從摩詰仗策今看召賈生幽冀山川皆粉本師
善繪驛亭風月助吟情乃公所學真羞負定為

倉黎語不平

臺
社
章

廿
三

荔支咲

方西湖

六月中荔支紅。兵馬來荔支空。不是悲風和愁
雨。回首村村樹樹同。吾今告主人。且莫訴天公。
威談有時燔玉石。尤物况易招悲恫。君不見昔
年廢署古藤花入甕。學宮竊掘荷為筒。傷時撫
景一咲息。作詩真愧蘇髯翁。

荔支歎

宋幼石

荔支好。荔支好。貴比交梨與火枣。園林入夏紅
離離。主人愛之若珍寶。今年風色惡。荔支運欲

倒四月雨苦多。開花不結果。五月雨苦少。未實
 色先槁。存者僅幾希。幾希況不保。一聞南風一
 回北。枝頭搖落淨如掃。終年培植不得穫。主人
 為汝增煩惱。煩惱汝不知。惜汝紅太早。入夏少
未實先紅故隨風振落。須知樹高易招風。北風過後紅方
 好。

荔支歎

林西園

天之驕子莫若兵。千騎百騎來荔城。荔城五月
 荔支出。虬珠飛蠟枝頭顚。北地權舉無此美。天

先无物供驕子虎。懸登樹人走藏。玄蟬蒼鼠紛
驚起。瓊漿未噉饒涎垂。生吞活剝紅淋漓。斯須
望失陸深火。但見露葉搖空枝。空枝寧有懸錢
處。虎羆一飽飄然去。荔園主人慎無嗔。箋：土
物應供具。君不聞宋香古荔遭兵塵。王媪抱樹
忘其身。今人摘果不斫樹。紀律無乃優古人。

荔支嘆

林銳之

朝作荔支嘆。徂來欲焚橐。問今是何世。世非永
元非天寶。大軍過境日。燄燄燥吻難。逢荔熟早

吾輩職應供東道。大好嘉城誰再造。口碑爭記
將軍好。君不見煌煌三軍令。懸路岐。不許傷及民
間一株草。

荔支嘆

陳斗生

宋家祠內有荔。^香高臺為護石為砌。枝幹輪囷可
萬年。根株磊落期永世。天生王媪身為衛。叔後
餘生開門第。泉源氣吞烏石長。月梢紅奪麟山
麗。果寔爭得狀元名。且與郊祁同蜚聲。色似碧
雲參絳雪。脂如金盃盛水晶。一朝委地竟捐棄。